



2078-11-3-202103011131

N 2078

01/03/2021

**ხელშეკრულება სახელმწიფო შესყიდვის შესახებ №2(გ)
დაფინანსება: 2021 წლის გრანტი (BTC Co) (SCP Co) სახსრებით, პროგრამული კოდი 310902)**

„სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანებით დამტკიცებული „ელექტრონული ტენდერის ტენდერის ჩატარების წესის მოთხოვნათა შესაბამისად, სსიპ ეროვნული სატყეო სააგენტოს მიერ სახელმწიფო შესყიდვის განხორციელების მიზნით, ელექტრონული ტენდერის საშუალებით. („სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად) (SPA 210000266) (CPV 34138000).

ერთი მხრივ **სსიპ - ეროვნული სატყეო სააგენტო** (შემდგომში შემსყიდველი) სააგენტოს უფროსის მოადგილის **დავით ალადაშვილის** სახით, მისამართი: ქ.თბილისი, გ. გულუას ქ. № 6. ს/კ 204578581. ტელ: 2753910. საბანკო რეკვიზიტები: ცენტრალური ხაზინა, კოდი TRESGE22, ა/ა GE24NB0330100200165022. ხოლო მეორეს მხრივ **შპს „სტრადა“** (შემდგომში მიმწოდებელი), წარმოდგენილი მისი დირექტორის **არჩილ კუპრეიშვილის** სახით, მისამართი: ქ.თბილისი, ბელიაშვილის ქ N191 ს/კ 200264800 ტელ: +99599365563 ელ-ფოსტა: ZGvazava@strada.ge, საბანკო რეკვიზიტები: ს.ს. „საქართველოს ბანკი“, ბანკის კოდი BAGAGE22 ა/ნ GE76BG0000000847509200 ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და ელექტრონულ ტენდერში გამარჯვებულ პრეტენდენტ შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელმაც მოიპოვა გამარჯვება ელექტრონულ ტენდერში და ახორციელებს საქონლის მიწოდებას ხელშეკრულების ფარგლებში.
- 1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1 ხელშეკრულების საგანს წარმოადგენს **1 (ერთი)** ერთეული სატვირთო ავტომანქანის შესყიდვა (შემდგომში საქონელი) ამ ხელშეკრულების პირობების შესაბამისად.
- 2.2 საქონლის დასახელება, რაოდენობა და ფასების ცხრილი:

#	საქონლის დასახელება	წარმოშობის ქვეყანა, მწარმოებელი კომპანია, მარკა და მოდელი	რ-ბა	ერთეულის ფასი (ლარი)	საერთო ფასი (ლარი)
1	6X6 სისტემის გამავლობის სატვირთო ავტომანქანა (თვითმცლელი)	რუსეთის ფედერაცია, ООО «ТД АЗ «УРАЛ, УРАЛ – 555717-30	1	227000	227000

2.3 შესყიდვის ობიექტის ტექნიკური მახასიათებლები მოცემულია დანართი #1-ის სახით, რომელიც თან ერთვის ხელშეკრულებას და წარმოადგენს მის განუყოფელ ნაწილს.

3. საქონლის ღირებულება

3.1 სატვირთო თვითმცლელი ავტომანქანის და შესაბამისად მთლიანი სახელშეკრულებო თანხა საქართველოს კანონმდებლობით გათვალისწინებული ყველა გადასახადის (მათ შორის: დღგ, განბაჟება; სანომრე ნიშნების აღება; შემსყიდველის სახელზე გადაფორმება; ტრანსპორტირება შემსყიდველის მისამართზე და ა.შ.) გათვალისწინებით შეადგენს **227000 (ორასოცდაშვიდიათასი) ლარს.**

4. საქონლის მიღება-ჩაბარება

- 4.1 საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით, ხელშეკრულების პირობების შესრულებაზე კონტროლის განმახორციელებელი ჯგუფის წევრების მხოლოდ დადებითი დასკვნის საფუძველზე.
- 4.2 შემსყიდველი (საჭიროების შემთხვევაში) იტოვებს უფლებას (მიმწოდებლის სახსრებით) მიმწოდებლის მიერ მოწოდებულ ტექნიკაზე, მოითხოვოს სატენდერო დოკუმენტაციის ტექნიკური პირობების შესაბამისობაზე სსიპ „ლევან სამხარაულის სახელობის ექსპერტიზის ბიუროს“ ან სხვა შესაბამისი აკრედიტაციის მქონე კომპანიის/პირის/ექსპერტის დასკვნა რის შემდეგაც განხორციელდება მიღება-ჩაბარების აქტის გაფორმება (აღნიშნულ საჭიროებას წყვეტს შემსყიდველი ორგანიზაცია) აღნიშნული დადებითი დასკვნისა და შემსყიდველის მხრიდან ხელშეკრულების პირობების შესრულებაზე კონტროლის განმახორციელებელი ჯგუფის წევრების მხოლოდ დადებითი დასკვნის საფუძველზე.
- 4.3 საქონლის მიწოდებისთანავე მხარეები ადგენენ შუალედურ მიღება ჩაბარების აქტს, რის შემდეგაც 10 (ათი) კალენდარული დღის განმავლობაში შემსყიდველის წარმომადგენლები განიხილავენ მიწოდებული საქონლის შესაბამისობას ხელშეკრულებით დადგენილთან.
- 4.4 საქონელი ჩაითვლება მიღებულად მიღება-ჩაბარების აქტზე შემსყიდველის მხრიდან ხელმოწერის შემდეგ.
- 4.5 შემსყიდველის მხრიდან მიღება-ჩაბარების აქტს ხელს აწერს სსიპ ეროვნული სატყეო სააგენტოს იმერეთის სატყეო სამსახურის უფროსი ან/და მოვალეობის შემსრულებელი.
- 4.6 შემსყიდველი ვალდებულია წერილობითი სახით, აცნობოს მიმწოდებელს საბოლოო შემოწმების შედეგები დაწუნებული საქონლის რაოდენობის და წუნდების მიზეზის მითითებით.

5. საქონლის მიწოდების ვადები და ადგილი.

- 5.1 საქონლის მიწოდება უნდა განხორციელდეს ხელშეკრულების გაფორმებიდან არა უგვიანეს **120 კალენდარული დღის** განმავლობაში.
- 5.2 საქონლის მიწოდება უნდა განხორციელდეს სსიპ - ეროვნული სატყეო სააგენტოს ქ. ზესტაფონის საქმიან ეზოში, დიმიტრი უზნაძის IV ჩიხი, N3-ში.

6. მხარეთა უფლება-მოვალეობანი

- 6.1 მიმწოდებელი ვალდებულია მიაწოდოს შემსყიდველს ნივთობრივად და უფლებრივად უნაკლო საქონელი.

- 6.2 შემსყიდველი ვალდებულია გადაუხადოს მიმწოდებელს ანაზღაურება ამ ხელშეკრულებით გათვალისწინებული საქონლის მიწოდებისათვის ხელშეკრულების პირობების შესაბამისად.
- 6.3 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვას მოცემული ხელშეკრულებით არსებული თავისი ვალდებულებები.
- 6.4 შემსყიდველი უფლებამოსილია მოითხოვოს მიმწოდებლისაგან ამ ხელშეკრულებით ნაკისრი პირობების განუხრელი შესრულება.
- 6.5 შემსყიდველი უფლებამოსილია (საჭიროების შემთხვევაში) მიმწოდებლის მიერ მოწოდებულ ტექნიკაზე, მიღებაჩაბარების აქტის გაფორმებამდე მოითხოვოს სატენდერო დოკუმენტაციის ტექნიკური პირობების შესაბამისობაზე სსიპ ლევან სამხარაულის სახელობის ექსპერტიზის ეროვნული ბიუროს" ან სხვა შესაბამისი აკრედიტაციის მქონე კომპანიის/პირის/ექსპერტის დასკვნა.
- 6.6 მიმწოდებელი ვალდებულია საქონლის მიწოდებისას საქონელთან ერთად მიაწოდოს შემსყიდველს სატვირთო ავტომანქანის მოხმარების წესების სახელმძღვანელო (რუსულ ან/და ინგლისურ ენაზე); თვითეულ ავტომანქანაზე არანაკლებ 1 ერთეული ცეცხლმაქრი და 1 ერთეული სააფთიაქო ყუთი.
- 6.7 საგარანტიო პირობების ფარგლებში გეგმიური ტექმომსახურების შესყიდვის მიზნით, მინიმუმ საგარანტიო პირობებით გააფორმოს ხელშეკრულება გამარტივებული შესყიდვის საშუალებით, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „თ“ ქვეპუნქტის შესაბამისად, ამავე ტენდერში გამარჯვებულ პრეტენდენტთან ან მის მიერ განსაზღვრულ პირთან, რა დროსაც ძალაში რჩება ავტომობილის საგარანტიო პირობები.

7. გარანტია

- 7.1 მიმწოდებელი იძლევა გარანტიას, რომ მიწოდებული საქონელი იქნება ხარისხიანი და მისი ექსპლუატაციის ნორმების დაცვის შემთხვევაში, არ გამოავლენს დეფექტს და შეესაბამება ხელშეკრულების მოთხოვნებს.
- 7.2 წინამდებარე ხელშეკრულების საფუძველზე შესყიდული საქონლის საგარანტიო ვადაა 18 თვე ან 50000კმ, რომელიც პირველი დადგება, მიღება-ჩაბარების აქტის გაფორმებიდან.
- 7.3 საგარანტიო პერიოდში გასაწევი ტექნიკური მომსახურების პერიოდულობა და ჩამონათვალი მოცემულია ხელშეკრულების დანართი #2-ის სახით, რომელიც თან ერთვის ხელშეკრულებას და წარმოადგენს მის განუყოფელ ნაწილს.
- 7.4 გარანტია ვრცელდება გადაცემათა კოლოფზე, მრავზე, ჰიდრავლიკურ სისტემაზე, ხიდებზე და გამაძლიერებელ კოლოფზე.
- 7.5 საგარანტიო მომსახურების პერიოდში, მიმწოდებელი ვალდებულია წერილობითი შეტყობინების (მათ შორის შესყიდვების სააგენტოს ელექტრონულ გვერდზე მითითებულ მეილზე) მიღებიდან 2 დღის განმავლობაში მოახდინოს საქონლის ინსპექტირება და დეფექტური აქტის შედგენა. მიმწოდებელი ვალდებულია გამოსაწიროს ხარვეზი ან/და შეაკეთოს ტექნიკა დეფექტური აქტის შედგენიდან 15 კალენდარული დღის განმავლობაში (როტული დაზიანების შემთხვევაშიც).

8. ანგარიშსწორება

- 8.1 ანგარიშსწორება მოხდება უნაღდო ანგარიშსწორებით ლარებში;
- 8.2 ანგარიშსწორება განხორციელდება საქონლის მიწოდების შემდეგ, მიმწოდებლის მიერ წარმოდგენილი ორმხრივად გაფორმებული მიღება-ჩაბარების აქტის და საგადასახადო ანგარიშ-ფაქტურის წარმოდგენიდან არაუგვიანეს 10 (ათი) სამუშაო დღის განმავლობაში.

9. ხელშეკრულებაში ცვლილებების შეტანა

- 9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.
- 9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

- 9.3 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით. (საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა).
- 9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების შეფერხება

- 10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.
- 10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11. მხარეთა პასუხისმგებლობა.

- 11.1 შემსყიდველი უფლებამოსილია ამ ხელშეკრულებით გათვალისწინებული საქონლის მიწოდების ვად(ებ)ის (ყოველ კონკრეტულ შემთხვევაზე) გადაცილების შემთხვევაში დააკისროს მიმწოდებელს პირგასამტეხელო ყოველ ვადაგადაცილებულ დღეზე შეუსრულებელი ვალდებულების ღირებულების 0.1 პროცენტის ოდენობით.
- 11.2 შემსყიდველი უფლებამოსილია მიმწოდებლის მიერ ამ ხელშეკრულებით გათვალისწინებული პირობ(ებ)ის არაჯეროვნად შესრულებისათვის, ყოველ კონკრეტულ ფაქტზე დააკისროს მიმწოდებელს პირგასამტეხელო ხელშეკრულების საერთო ღირებულების 0.5 პროცენტის ოდენობით. ამ პუნქტის მოქმედების დროს გამოირიცხება 11.1 პუნქტის მოქმედება.
- 11.3 იმ შემთხვევაში თუ ხელშეკრულების 11.1 პუნქტით გათვალისწინებული პირგასამტეხლოს ოდენობა მიაღწევს მთლიანი სახელშეკრულებო ღირებულების 1 (ერთი) პროცენტს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება. ხელშეკრულების შეწყვეტა არ ანთავისუფლებს მიმწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.
- 11.4 ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება ეკისრება მიმწოდებელს იმ შემთხვევაშიც, თუ ზიანი მიაღწა მესამე პირებს და ეს შედეგი არ დადგებოდა ვალდებულება ჯეროვნად, რომ შესრულებულიყო.
- 11.5 მხარეები თავისუფლდებიან პასუხისმგებლობისაგან:
- 11.5.1 თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად;
- 11.5.2 ის მხარე, რომელიც ხელშეკრულების 11.5.1 პუნქტით გათვალისწინებულ შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების

შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 5 (ხუთი) სამუშაო დღისა წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს;

- 11.5.3 ხელშეკრულების 11.5.2 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (არგუმენტაციის საფუძველზე) ვადამდე შეწყვიტონ ხელშეკრულება.
- 11.6 მიმწოდებლის ინიციატივით ხელშეკრულების შეწყვეტის შემთხვევაში, ხელშეკრულების შეწყვეტამდე მიმწოდებელი ვალდებულია ვადაგადაცილებული დღეებისათვის და ხელშეკრულების პირობების არაჯეროვნად შესრულებისათვის (ასეთის არსებობის შემთხვევაში) მასზე დაკისრებული პირგასამტეხლო(ები)ს გარდა გადაუხადოს შემსყიდველს ხელშეკრულების შეწყვეტისათვის პირგასამტეხლო ხელშეკრულების საერთო ღირებულების 5 (ხუთი) პროცენტის ოდენობით.
- 11.7 მიმწოდებელი უფლებამოსილია ამ ხელშეკრულებით გათვალისწინებული ანგარიშსწორების ვად(ებ)ის (ყოველ კონკრეტულ შემთხვევაზე) გადაცილების შემთხვევაში დააკისროს შემსყიდველს პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0.1 პროცენტის ოდენობით.

12. ხელშეკრულების შეწყვეტა მისი პირობების შეუსრულებლობის გამო

- 12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:
- 12.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;
- 12.1.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.
- 12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- 12.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 12.3.2 წინამდებარე ხელშეკრულების მე-11 მუხლის 11.3 პუნქტის დადგომის შემთხვევაში.
- 12.3.3 მიმწოდებლის გაკოტრების შემთხვევაში;
- 12.3.4 საქართველოს კანონმდებლობით გათვალისწინებულ სხვა შემთხვევებში.
- 12.4 ხელშეკრულება შეიძლება შეწყდეს მხარეთა ორმხრივი შეთანხმებით.

13. ხელშეკრულების შესრულების კონტროლი.

- 13.1 შემსყიდველს უფლება აქვს მიმწოდებლის მიერ საქონლის მიწოდებისას განახორციელოს კონტროლი.
- 13.1.1 კონტროლს ახორციელებს შემსყიდველის წარმომადგენლები: სსიპ ეროვნული სატყეო სააგენტოს ფინანსური დეპარტამენტი ტრანსპორტის სამმართველოს უფროსი შოთა კოკაია, ამავე სამმართველოს სპეციალისტები - გიორგი ბერიაშვილი და დავით ჩიქოვანი.
- 13.2 კონტროლის განმახორციელებელი ჯგუფის ფუნქციებია:
- 13.2.1 გაუწიოს კონტროლი საქონლის მოწოდების ვადების ხელშეკრულების მოთხოვნებთან შესაბამისობის დადგენას.
- 13.2.2 დაადგინოს შეესაბამება, თუ არა მიწოდებული საქონელი ხელშეკრულებით გათვალისწინებულ პირობებს ან/და მოთხოვნებს.

- 13.2.3 უზრუნველყოს მიწოდებული საქონლის მიღება.
- 13.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.
- 13.4 გამოვლენილი დეფექტის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

14. ფორს-მაჟორი

- 14.1 ამ ხელშეკრულების მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 14.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. ხელშეკრულების შესრულების უზრუნველყოფის გარანტია

- 15.1 იმისთვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვების შესახებ ხელშეკრულების შეუსრულებლობის გამო, აღნიშნულ ხელშეკრულებაში გამოიყენება ხელშეკრულების შესრულების უზრუნველყოფის სს „საქართველოს ბანკი“-ს მიერ 2021 წლის 24 თებერვალს გაცემული საბანკო გარანტია №PE21722444-21, ხელშეკრულების საერთო ღირებულების 4%-ის - 9080 ლარის ოდენობით, რომელიც ძალაშია 2022 წლის 31 იანვრის ჩათვლით პერიოდში.
- 15.2 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ, მიმწოდებლის მოთხოვნიდან 10 (ათი) სამუშაო დღის ვადაში შემსყიდველი დაუბრუნებს მიმწოდებელს ხელშეკრულების შესრულების უზრუნველყოფის საბანკო გარანტიას.
- 15.3 ხელშეკრულებით ნაკისრი ვალდებულებების შეუსრულებლობის ან არაჯეროვნად/არასრულად შესრულების შემთხვევაში, შემსყიდველი არ დაუბრუნებს მიმწოდებელს ხელშეკრულების შესრულების უზრუნველყოფის საბანკო გარანტიას და იმოქმედებს საქართველოს კანონმდებლობის ფარგლებში.

16. სადაო საკითხების გადაწყვეტა

- 16.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 16.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

16.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

17. ხელშეკრულების მოქმედების ვადა.

- 17.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს **2021 წლის 31 დეკემბრის** ჩათვლით, გარდა ამ ხელშეკრულების მე-6, მე-7 და მე-11 მუხლებისა.
- 17.2 ხელშეკრულების მე-6, მე-7 და მე-11 მუხლები ძალაშია საქონლის მთლიანი საგარანტიო პერიოდის განმავლობაში.
- 17.3 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება ქართულ ენაზე.

შემსყიდველი:

სსიპ - ეროვნული სატყეო სააგენტო

მიმწოდებელი:

შპს სტრადა

დავით ალადაშვილი

არჩილ კუპრეიშვილი

დავით ალადაშვილი



სააგენტოს უფროსის მოადგილე



ავტოვითმცელელის ტექნიკური მახასიათებლები

#	პარამეტრები	მინიმალური მოთხოვნები	პრეტენდენტის მიერ შემოთავაზებული ავტომანქანის პარამეტრები
1	გამოშვების წელი (ექსპლუატაციაში არ მყოფი)	არანაკლებ 2020 წლის	2021 წლის (ახალი, ექსპლუატაციაში არ მყოფი)
2	მართვის სისტემა	საჭე მარცხნივ, სატვირთოს წინა ღერძები აღჭურვილი უნდა იყოს საჭის ჰიდროგამაძლიერებლით	საჭე მარცხნივ, სატვირთოს წინა ღერძი აღჭურვილია საჭის ჰიდროგამაძლიერებლით
3	ძრავის ტიპი	დიზელის, წყლის გაგრილებით	დიზელის, წყლის გაგრილებით
4	ძრავის სიმძლავრე (ცხენის ძალა)	არა ნაკლებ 240 (ც.ძ)	240 (ც.ძ)
5	გადაცემათა კოლოფი	მექანიკური	მექანიკური
6	გამანაწილებელი კოლოფი	მექანიკური 2-საფეხურიანი	მექანიკური 2-საფეხურიანი
7	ავტოვითმცელელის თვლების სისტემა	3 ხიდიანი, მაღალი გამავლობის, 6X6 თვლის სისტემით, ღერძებშორისი ბლოკირების სისტემით	3 ხიდიანი, მაღალი გამავლობის, 6X6 თვლის სისტემით, ღერძებშორისი ბლოკირების სისტემით
8	ავტოვითმცელელის საბურავების რაოდენობა	6+1 (სათადარიგო)	6+1 (სათადარიგო)
9	ავტოვითმცელელის ტვირთამწეობა (კგ)	არა ნაკლებ 9800 კგ	10000 კგ
10	ავტოვითმცელელის სატვირთო განყოფილების ტიპი და ტვირთის ჩამოტვირთვის სისტემა	მეტალის, უკან (ჰიდრავლიკური), თვითმცელელის დანადგარის ოპერირება უნდა ხდებოდეს კაბინიდან	მეტალის, უკან (ჰიდრავლიკური), თვითმცელელის დანადგარის ოპერირება ხდება კაბინიდან
11	ავტოვითმცელელის სატვირთო განყოფილების (ძარის) გვერდების კედლების და წინა კედლის ფოლადის სისქე (მმ)	არანაკლებ 3 მმ	3მმ
12	ავტოვითმცელელის სატვირთო განყოფილების (ძარის) ძირის ფოლადის სისქე (მმ)	არანაკლებ 4 მმ	4მმ
13	ავტოვითმცელელის სატვირთო განყოფილება გადახურული უნდა იყოს ტენტით	ტენტი უნდა იყოს წყალგაუმტარი და მოხსნადი	ტენტი არის წყალგაუმტარი და მოხსნადი
14	სატვირთოს დასატვირთი ბაქანის (პლატფორმის) გვერდითა ბორტების სიმაღლე	არა ნაკლებ 120 სმ	120 სმ

ჯალამზარის ტექნიკური მახასიათებლები

1	ჯალამზარის ბუქსირების/გაწევის ძალა	არა ნაკლებ 6500 კგ	6500 კგ
2	ჯალამზარის გვარლის (ტროსი) დიამეტრი	არა ნაკლებ 11 მმ	17,5 მმ

3	ჯალამზარის გვარლის (ტროსი) სიგრძე	არა ნაკლებ 25 მ	60 მ
4	ჯალამზარის მართვის ტიპი	ავტომატურიდან	ავტომატურიდან
ავტოთვიტმცლელი (უკან) აღჭურვილი უნდა იყოს ე.წ საბუქსირით, ხის დასამუშავებელი მოწყობილობა (ე.წ. ჩოფერი) „Bandit Industries, Inc INTIMIDATOR 15XPC ”			
N	მისაბმელის მარკა/მოდელი	მისაბმელის საიდენტიფიკაციო ნომერი	პრეტენდენტის მიერ შემოთავაზებული ავტომატური პარამეტრები
1	Bandit Industries, Inc INTIMIDATOR 15 XPC ”, BANDIT	SWPS21A00JR000015	საბუქსირე აქვს

შპს სტრადას დირექტორი: არჩილ კუპრეიშვილი



ინფორმაცია საგარანტიო მომსახურების ვადებისა (რა დროს რა ნაწილი უნდა შეიცვალოს) და პირობების შესახებ.

გარბენი	Ural-555717-30 ЯМЗ-238m2 6x6 euro 0	რაოდენობა
1000კმ. ან 50 მოტო სთ, რომელიც ადრე დადგება	ავტომობილის ძრავის გადაცემათა, კოლოფის და ხიდების ტექნიკური დათვალიერება	
	ძრავის ზეთი	32 ლიტრი
	ძრავის ზეთის ფილტრი	1 ცალი
	გადაცემათა კოლოფის, ჰიდრავლიკის, გამანაწილებელი კოლოფის, წინა და უკანა ხიდების ზეთი (ТСП-15K)	28 ლიტრი
	ძრავის ზეთი	32 ლიტრი
8000 ან 250 მოტო სთ. რომელიც ადრე დადგება	ძრავის ზეთის ფილტრი	1 ცალი
	საწვავის დამხმარე ფილტრი	1 ცალი
	ჰიდრავლიკის, გამანაწილებელი კოლოფის, წინა და უკანა ხიდების ზეთის (ТСП-15K) შემოწმება და საჭიროებისას დამატება	1 ლიტრი
	სავალი ნაწილების შეზეთვა (Литол-24) ძრავის ზეთი	1 კბ. 32 ლიტრი
	სავალი ნაწილების შეზეთვა (Литол-24)	1 კბ.
16000 ან 500 მოტო სთ. რომელიც ადრე დადგება	ძრავის ზეთის ფილტრი	1 ცალი
	გადაცემათა კოლოფის, ჰიდრავლიკის, გამანაწილებელი კოლოფის, წინა და უკანა ხიდების ზეთის (ТСП-15K) შემოწმება და საჭიროებისას დამატება	1 ლიტრი
	საწვავის დამხმარე ფილტრი	1 ცალი
	ძრავის ზეთი	32 ლიტრი
	ძრავის ზეთის ფილტრი	1 ცალი
24000 ან 750 მოტო სთ. რომელიც ადრე დადგება	საწვავის დამხმარე ფილტრი	1 ცალი
	სავალი ნაწილების შეზეთვა გრაფიტით (УсСА)	1 კბ
	სავალი ნაწილების შეზეთვა (Литол-24) ძრავის ზეთი	1 კბ 32 ლიტრი
	ძრავის ზეთის ფილტრი	1 ცალი
	გადაცემათა კოლოფის, გამანაწილებელი კოლოფის, წინა და უკანა ხიდების ზეთი (ТСП-15K)	28 ლიტრი
32000 ან 1000 მოტო სთ. რომელიც ადრე დადგება	სავალი ნაწილების შეზეთვა (Литол-24)	1 კბ
	საწვავის დამხმარე ფილტრი	1 ცალი
	საწვავის მთავარი ფილტრი	1 ცალი
	ძრავის ზეთი	32 ლიტრი
	ძრავის ზეთის ფილტრი	1 ცალი
40 000 ან 1250 მოტო სთ. რომელიც ადრე დადგება	საწვავის დამხმარე ფილტრი	1 ცალი
	სავალი ნაწილების შეზეთვა გრაფიტით (УсСА)	1 კბ
	სავალი ნაწილების შეზეთვა (Литол-24) ძრავის ზეთი	1 კბ 32 ლიტრი
	ძრავის ზეთის ფილტრი	1 ცალი
	გადაცემათა კოლოფის, გამანაწილებელი კოლოფის, წინა და უკანა ხიდების ზეთი (ТСП-15K)	28 ლიტრი
48 000 ან 1500 მოტო სთ. რომელიც ადრე დადგება	სავალი ნაწილების შეზეთვა (Литол-24)	1 კბ
	საწვავის დამხმარე ფილტრი	1 ცალი
	საწვავის მთავარი ფილტრი	1 ცალი
	ძრავის ზეთის ფილტრი	1 ცალი
	გადაცემათა კოლოფის, გამანაწილებელი კოლოფის, წინა და უკანა ხიდების ზეთი (ТСП-15K)	28 ლიტრი

შპს სტრადას დირექტორი: არჩილ კუპრეიშვილი





ქ. თბილისი

ხელშეკრულების შესრულების საბანკო გარანტია # PE21722444-21

24 თებერვალი 2021 წელი

გარანტი: სს საქართველოს ბანკი (შემდგომში „გარანტი“)
გარანტის საიდენტიფიკაციო კოდი: 204378869
გარანტის მისამართი: ვაგარიის ქ. #29ა, თბილისი, 0160, საქართველო
პრინციპალი: შპს სტრადი (შემდგომში „პრინციპალი“)
პრინციპალის საიდენტიფიკაციო კოდი: 200264800
პრინციპალის მისამართი: საქართველო, თბილისი, დიდუბის რაიონი, აკაკი ბელიაშვილის ქ., N191
ბენეფიციარი: სსიპ ეროვნული სატყეო სააგენტო (შემდგომში „ბენეფიციარი“)
ბენეფიციარის საიდენტიფიკაციო კოდი: 204578581
ბენეფიციარის მისამართი: საქართველო, თბილისი, ძველი თბილისი/გულუას ქ. 6
საგარანტიო თანხა: 9,080 (ცხრა ათას ოთხმოცი და 00/100) ლარი
ტენდერის უნიკალური ნომერი: SPA210000266

მხედველობაში ვიღებთ რა, რომ პრინციპალმა 1 (ერთი) ერთეული 6X6 სისტემის გამავლობის სატვირთო ავტომანქანის (თვითმძღველი) მიწოდების მიზნით წარდგენილი სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ, გარანტი, თანახმა ვართ გავცეთ პრინციპალის სახელზე აღნიშნული უპირობო და გამოუთხოვადი საბანკო გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე პრინციპალის სახელით საერთო თანხაზე, არაუმეტეს ჯამში 9080.00 (ცხრა ათას ოთხმოცი და 00/100) ლარი და ვკისრულობთ ზემოთ აღნიშნული თანხის გადახდას პრინციპალის მიერ ხელშეკრულების პირობების დარღვევის შემთხვევაში ბენეფიციარის წერილობითი მოთხოვნის წარმოდგენის საფუძველზე.

ბენეფიციარის წერილობითი მოთხოვნა თანხის ანაზღაურებაზე წარმოდგენილ უნდა იქნეს ბენეფიციარის მხრიდან აღნიშნულ დოკუმენტზე უფლებამოსილი პირის მიერ ხელმოწერილი ფორმით, სადაც მითითებულ იქნება მოთხოვნილი თანხა ციფრობრივად და სიტყვიერად, საბანკო რეკვიზიტები და განმარტებული უნდა იყოს კონკრეტულად პრინციპალსა და ბენეფიციარს შორის გაფორმებული ხელშეკრულების რა პირობები იქნა დარღვეული პრინციპალის მხრიდან, დამატებითი მტკიცებულებების წარმოდგენის საჭიროების გარეშე. მოთხოვნას თან უნდა ერთვოდეს მოთხოვნაზე ხელმოწერილი პირის უფლებამოსილების დამადასტურებელი დოკუმენტი (ბანკი უფლებამოსილია არ მოითხოვოს აღნიშნული საბუთი, თუ ხელმოწერილი პირის უფლებამოსილების შესახებ ინფორმაცია საჭაროდ ხელმისაწვდომია) და საბანკო გარანტიის ასლი.

წინამდებარე გარანტია ძალაშია პრინციპალის მიერ ხელშეკრულების პირობების შესრულების საბოლოოდ დამთავრებამდე, მაგრამ არაუგვიანეს: 31 იანვარი 2022 წელი, შესაბამისად წინამდებარე გარანტია მოქმედებს აღნიშნული თარიღის ჩათვლით.

ზემოთქმულიდან გამომდინარე, ბენეფიციარის მიერ წარმოდგენილი წერილობითი მოთხოვნის ორიგინალი დოკუმენტი თანხის ანაზღაურებაზე, გარანტის მიერ მიღებულ უნდა იქნას გარანტიის მოქმედების ვადის ჩათვლით სს „საქართველოს ბანკის“ სათავე ოფისში, კანცელარიის სამსახურში, ვაჭრობის სტრუქტურული დაფინანსების დეპარტამენტის საყურადღებოდ, თბილისის დროით (UTC / GMT +04: 00 საათი): 17:00 საათის ჩათვლით, შემდეგ მისამართზე: ვაგარიის ქ. #29ა, თბილისი 0160, საქართველო.

საბანკო გარანტია ავტომატურად უქმდება/მცირდება ქვემოაღნიშნული გარემოებებიდან ერთ-ერთის დადგომისთანავე:

- საბანკო გარანტიის ვადის გასვლით;
- გარანტის მიერ ბენეფიციარისთვის იმ თანხის გადახდით, რომელზედაც გაიცა საბანკო გარანტია;
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმით;
- ბენეფიციარის მიერ საბანკო გარანტიის თანხის შემცირების შესახებ წერილობითი შეტყობინებით.

გარანტის მიმართ საბანკო გარანტიიდან გამომდინარე ბენეფიციარის კუთვნილი მოთხოვნის უფლების გადაცემა/დათმობა სხვა პირისათვის დაუშვებელია გარანტის წერილობითი თანხმობის გარეშე.

წინამდებარე, საბანკო გარანტია რეგულირდება საქართველოს კანონმდებლობით.

პატივისცემით,
თამარ ჭანტურიძე
ადგილობრივი გარანტიების მენეჯერი

